



Jadual Pembacaan Khutbah Jumaat

Siri 10/ 2023 (Oktober 2023)

تاریخ	تاجوق	ب
6 Oktober 2023M/ 21 Rabi'ul Awal 1445H	Tarbiah Rasulullah Dalam Membangunkan Ummah	1.
13 Oktober 2023M/ 28 Rabi'ul Awal 1445H	Senjata Tersalah Tuan	2.
20 Oktober 2023M/ 6 Rabi'ul Akhir 1445H	Palestin Jantung Ummah	3.
27 Oktober 2023M/ 12 Rabi'ul Akhir 1445H	Memelihara Nasab	4.
Khutbah Kedua		

دبیایای:



زكاة فولاو فینغ

دتریبتکن:



جابتن حال إحوال اگام اسلام فولاو فینغ

***Jawatankuasa Panel Semakan Teks Khutbah Negeri
Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Memelihara Nasab

27 Oktober 2023M/ 13 Rabi'ul Akhir 1445H

الْحَمْدُ لِلَّهِ الَّذِي يَعْلَمُ خَائِنَةَ الْأَعْيُنِ وَمَا تُخْفِي الصُّدُورُ، وَيَنْهَى النَّفْسَ الْأَمَّارَةَ بِالسُّوءِ
عَنِ الْهَوَى وَالْفُجُورِ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، جَعَلَ الْإِحْسَانَ وَالْإِنْعَامَ لِلطَّائِعِينَ
الْمُتَّقِينَ، وَأَشْهَدُ أَنَّ مُحَمَّدًا عَبْدُهُ وَرَسُولُهُ، حَذَّرَ مِنَ الشَّرِّ وَالْعِقَابِ الْعَاصِينَ
الظَّالِمِينَ.

صَلَّى اللَّهُ وَسَلَّم عَلَى سَيِّدِنَا وَقُرَّةِ أَعْيُنِنَا مُحَمَّدِ بْنِ عَبْدِ اللَّهِ، وَعَلَى آلِهِ وَصَحْبِهِ وَمَنْ
اتَّبَعَ سُنَّتَهُ وَمَنْ وَالَاهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

SIDANG JUMAAT RAHIMAKUMULLAH,

Marilah kita meningkatkan ketakwaan kepada Allah **سُبْحَانَهُ وَتَعَالَى** dengan bersungguh-sungguh menyempurnakan perintah Allah dan bertekad sepenuh hati meninggalkan larangan-Nya. Mudah-mudahan dengan amalan yang dilaksanakan demi ketaatan selaku hamba Allah yang Maha Esa, kita memperoleh keredhaan di dunia serta dianugerahkan nikmat syurga di akhirat kelak.

Selain itu, khatib juga ingin mengingatkan sidang hadirin sekalian agar memberi fokus dan perhatian kepada khutbah Jumaat ini. Janganlah leka bermain gajet, tidur dengan sengaja, berbual-bual atau menggerakkan tabung



kutipan masjid kerana perbuatan-perbuatan tersebut bertentangan dengan adab mendengar khutbah.

Bersempena dengan bulan Sambutan Hari Pendaftaran Negara Kali ke-75 tahun 2023 yang disambut pada bulan Oktober setiap tahun, mimbar hari ini akan membicarakan khutbah bertajuk “**Memelihara Nasab.**”

SIDANG JEMAAH YANG DIRAHMATI ALLAH,

Islam menganjurkan umatnya supaya berkahwin serta membina keluarga bahagia berlandaskan syariat dan bukan sekadar memenuhi keperluan nafsu semata-mata. Perkahwinan yang sah berperanan mengelak perbuatan maksiat zina yang boleh melahirkan anak tidak sah taraf.

Anak tidak sah taraf adalah anak yang dilahirkan di luar pernikahan sama ada berpunca daripada perbuatan zina atau dirogol atau melalui cara saintifik yang bertentangan dengan hukum syarak. Ini termasuk anak yang dilahirkan kurang dari enam bulan dua lahzah (saat) mengikut takwim qamariyah (تَقْوِيم قَمَرِيَّة) daripada tarikh tamkin (setubuh). Anak tidak sah taraf juga bukan daripada persetubuhan syubhah atau anak perhambaan.

PARA TETAMU ALLAH SEKALIAN,

Memelihara keturunan atau nasab adalah menjadi satu daripada matlamat Islam dan perkahwinan menjadi laluan utama ke arah memelihara keturunan. Dalam erti kata yang lain, perkahwinan bukan sekadar memberikan kenikmatan atau keseronokan zahir dan batin, tetapi sebagai saluran untuk mendapatkan zuriat dan menyambung keturunan yang sah. Nasab merupakan

kurniaan yang besar daripada Allah **سُبْحَانَهُ وَتَعَالَى** kepada manusia. Firman Allah **سُبْحَانَهُ وَتَعَالَى** dalam surah Al-Furqan ayat 54:

وَهُوَ الَّذِي خَلَقَ مِنَ الْمَاءِ بَشَرًا فَجَعَلَهُ نَسَبًا وَصِهْرًا وَكَانَ رَبُّكَ قَدِيرًا ﴿٥٤﴾

Maksudnya: “Dan Dia jualah yang menciptakan manusia daripada air, lalu dijadikan manusia itu (mempunyai) titisan baka dan pertalian keluarga (persemendaan) dan sememangnya Tuhanmu berkuasa (menciptakan apa-apa sahaja yang dikehendakinya).”

SIDANG JEMAAH YANG DIKASIHI ALLAH,

Zuriat dan keturunan merupakan nikmat Allah **سُبْحَانَهُ وَتَعَالَى** kepada para hamba-Nya. Selain ia merupakan mengikat kasih di antara pasangan suami dan isteri, ia juga menjadi sebab kesyukuran dan kebanggaan satu generasi ke satu generasi tanpa terputus. Oleh kerana itulah, kita diperintah untuk mengenang dan mengucapkan syukur kepada Allah dan juga terhadap kedua ibu bapa kita. Firman-Nya dalam surah Lukman ayat 14:

وَوَصَّيْنَا الْإِنْسَانَ بِوَالِدَيْهِ حَمَلَتْهُ أُمُّهُ وَهْنًا عَلَى وَهْنٍ وَفِصْلُہُ فِي عَامَيْنِ أَنْ أَشْكُرَ لِي وَلِوَالِدَيْكَ
إِلَى الْمَصِيرِ ﴿١٤﴾

Maksudnya: “Dan Kami wajibkan manusia berbuat baik kepada kedua-dua ibu bapanya. Ibunya telah mengandungkannya dengan menanggung kelemahan demi kelemahan (dari awal mengandung hingga akhir menyusukan) dan tempoh menceraikan susunya adalah dalam masa dua tahun. (Dengan yang demikian), bersyukurlah kepada-Ku dan kepada kedua-dua ibu bapamu dan

(ingatlah) hanya kepada Aku jualah tempat kembali (untuk menerima balasan).”

Justeru, bagi mengelakkan keclaruan dalam keturunan umat Islam, Jawatankuasa Fatwa Negeri Pulau Pinang pada tarikh 27 Oktober 2005 telah memutuskan dan mewartakan fatwa nasab iaitu “Anak tidak sah taraf hanya boleh dibinkan atau dibintikan kepada Abdullah sahaja bagi tujuan penyelarasan pendaftaran anak tidak sah taraf dengan Jabatan Pendaftaran Negara.”

Jabatan Pendaftaran Negara adalah jabatan yang diberi kuasa oleh Undang-undang melalui Seksyen 13, Akta Pendaftaran Kelahiran dan Kematian 1957 (Akta 299) yang memperuntukkan pendaftaran kelahiran anak tidak sah taraf bagi pasangan yang beragama Islam, sebagaimana pendaftaran kelahiran anak tidak sah taraf bagi pasangan bukan Islam. Prosedur yang perlu dilaksanakan oleh pendaftar bagi permohonan yang melibatkan anak tidak sah taraf beragama Islam adalah seperti berikut:

Pertama: Pendaftaran kelahiran anak tidak sah taraf bagi pasangan Islam di bawah peruntukkan Seksyen 13 (Akta 299) boleh dilaksanakan sebagaimana prosedur kelahiran anak tidak sah taraf bagi pasangan bukan Islam iaitu dengan syarat orang yang mengaku bapa hadir bersama ibu di hadapan pendaftar bagi menandatangani daftar kelahiran.

Kedua: Nama anak tidak sah taraf tidak dibenarkan untuk dinasabkan kepada nama bapa biologi atau nama orang yang mengaku bapa seperti mana yang diputuskan oleh jumhur ulamak.

Ketiga: Nama anak tidak sah taraf boleh didaftarkan dengan nama berikut:

a) Nama kanak-kanak sahaja; atau

b) Nama kanak-kanak dinasab kepada “Abdullah” atau dengan pilihan nama “Asmaul Husna.”

Jika lelaki yang menyebabkan kelahiran kanak-kanak tersebut bernama Abdullah, kanak-kanak tersebut hendaklah di “bin” atau di “binti” kan kepada pilihan nama “Asmaul Husna” yang lain dengan menyertakan perkataan “Abdu” dipangkal nama seperti Abdur Rahman atau Abdur Rahim, dan

c) Ibu bapa atau pemaklum kelahiran perlu maklum bahawa nama tersebut akan menjadi nama kanak-kanak sepenuhnya dan tidak boleh dipinda jika umur kanak-kanak telah melebihi satu tahun; dan

d) Penamaan anak tidak sah taraf ini tertakluk kepada fatwa yang digazetkan di negeri pendaftaran kelahiran tersebut didaftarkan. Bagi fatwa negeri Pahang, nama kanak-kanak juga tidak boleh digabung dengan nama bapa biologi atau nama orang yang mengaku bapa sama ada dengan penasaban atau tanpa penasaban.

Keempat: Nama anak tidak sah taraf yang didaftarkan dengan maklumat ibu sahaja (*single mother*) akan didaftarkan dengan nama kanak-kanak tanpa penasaban. Walau bagaimanapun, pendaftar boleh memasukkan nasab “Abdullah” atau dengan pilihan nama “Asmaul Husna” sekiranya terdapat permohonan daripada ibu kanak-kanak tersebut, tertakluk kepada fatwa yang digazetkan di negeri pendaftaran kelahiran tersebut didaftarkan.

Menurut data daripada Jabatan Pendaftaran Negara, seramai 1,029 kanak-kanak tidak sah taraf beragama Islam telah dilahirkan di negeri Pulau Pinang untuk tahun 2022. Manakala sehingga Ogos 2023, kelahiran kanak-

kanak tidak sah taraf beragama Islam di negeri Pulau Pinang telah didaftarkan seramai 939 orang.

SIDANG JEMAAH YANG DIKASIHI ALLAH سُبْحَانَهُ وَتَعَالَى,

Syariat Islam menegah mana-mana bapa mengingkari nasab anaknya. Begitu juga mengharamkan wanita menisbahkan anak kepada bukan bapanya yang hakiki. Ini berasaskan hadis daripada Abi Hurairah رَضِيَ اللَّهُ عَنْهُ, sabda Rasulullah صَلَّى اللَّهُ عَلَيْهِ وَسَلَّمَ yang bermaksud:

“Mana-mana perempuan yang menisbahkan anak kepada satu kaum sedangkan ia bukan daripada mereka, maka ia tidak dihormati oleh Allah. Dan Allah tidak akan memasukkan (perempuan tersebut ke syurga. Mana-mana lelaki yang mengingkari anaknya sedangkan dia mengetahui hakikatnya, maka Allah akan menghijabkannya daripada rahmat-Nya dan menghinanya di khalayak mereka yang terdahulu hingga akhirnya.”

﴿Hadis Riwayat Abu Daud, An-Nasa’i dan Ibnu Hiban﴾

Begitu juga syariat menegah anak-anak menisbahkan diri kepada selain bapanya yang sebenar. Hal ini berdasarkan hadis yang diriwayatkan oleh Abi Bakrah dan Saad bin Abi Waqas رَضِيَ اللَّهُ عَنْهُمَا bahawa Nabi صَلَّى اللَّهُ عَلَيْهِ وَسَلَّمَ bersabda:

Maksudnya: *“Siapa yang mendakwa untuk menisbahkan kepada selain ayahnya, sedangkan dia mengetahui bahawa orang itu bukan ayahnya, maka haram ke atasnya untuk menghuni syurga.”*

﴿Hadis Riwayat Al-Bukhari, Muslim, Abu Daud, Ibnu Majah dan Ahmad﴾

SIDANG JEMAAH YANG DIKASIHI ALLAH سُبْحَانَهُ وَتَعَالَى,

Sekiranya anak tidak sah taraf di “bin” atau di “binti” kan kepada bapa biologinya, maka ia boleh mengundang masalah yang lebih besar antaranya ialah:

1. Perkahwinan anak tidak sah taraf yang berwalikan bapa biologinya adalah tidak sah.
2. Kelahiran anak tidak sah taraf akan berleluasa dalam masyarakat.
3. Akan melahirkan umat yang celaru keturunannya.
4. Anak tidak sah taraf akan menuntut hak yang sama seperti anak sah taraf dalam perwalian, harta pusaka dan sebagainya.

SIDANG JEMAAH YANG DIKASIHI ALLAH,

Mimbar menegaskan di sini bahawa anak yang tidak sah taraf bukanlah hina dan dia tidaklah berdosa kerana kesilapan yang dilakukan oleh kedua orang tuanya. Menurut prinsip Islam, seseorang tidak menanggung dosa orang lain. Justeru, hendaklah kita menghormati haknya kerana dia tetap manusia yang mulia di sisi Allah سُبْحَانَهُ وَتَعَالَى.

Mengakhiri khutbah minggu ini, mimbar Jumaat ingin menegaskan:

Pertama: Umat Islam hendaklah menyedari bahawa implikasi anak tidak sah taraf apabila berleluasa akan menimbulkan kesan yang amat buruk kepada keturunan dan kesejahteraan masyarakat.

Kedua: Umat Islam wajib kembali kepada petunjuk Al-Quran dan Sunnah dengan menghayati isi kandungannya dan diaplikasikan dalam kehidupan.

Ketiga: Umat Islam hendaklah memelihara nasab atau keturunan dengan mengelakkan diri daripada perkara-perkara yang membawa kepada kecelaruan nasab dan keturunan.

Keempat: Umat Islam hendaklah menjauhi penzinaan bagi memastikan keturunan yang sah taraf.

Firman Allah dalam surah Al-Ahzab ayat 5:

أَدْعُوهُمْ لِأَبَائِهِمْ هُوَ أَقْسَطُ عِنْدَ اللَّهِ فَإِنْ لَمْ تَعْلَمُوا آبَاءَهُمْ فَإِخْوَانُكُمْ فِي الدِّينِ وَمَوَالِيكُمْ
وَلَيْسَ عَلَيْكُمْ جُنَاحٌ فِيمَا أَخْطَأْتُمْ بِهِ وَلَكِنْ مَا تَعَمَّدَتْ قُلُوبُكُمْ وَكَانَ اللَّهُ غَفُورًا
رَّحِيمًا ﴿٥﴾

Maksudnya: “Panggillah mereka (anak angkat itu) dengan (menggunakan) nama bapa-bapa mereka, itulah yang adil di sisi Allah dan jika kamu tidak mengetahui bapa mereka, maka (panggillah mereka sebagai) saudara-saudara yang seagama denganmu dan maula-maula kamu. Tidak ada dosa atasmu jika kamu khilaf tentang itu, tetapi (yang dikira berdosa itu) ialah perbuatan yang disengajakan oleh hatimu. (Ingatlah) Allah Maha Pengampun lagi Maha Pengasih).”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ مَا
سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ، إِنَّهُ هُوَ
الْغَفُورُ الرَّحِيمُ.



Khutbah Kedua Bulan Oktober

2023M/ 1445H

الْحَمْدُ لِلَّهِ عَلَى أَلَانِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ، وَزِينَةَ
عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ النَّبِيِّ الْبَشِيرِ النَّذِيرِ، وَالسَّرَاجِ الْمُنِيرِ، وَارْضَ
اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ،
وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JEMAAH YANG DIRAHMATI ALLAH,

Khatib juga mengambil kesempatan ini untuk menyeru para jemaah
sekalian agar terus memberikan sokongan padu tanpa berbelah-bagi kepada
penduduk Palestin yang sedang dizalimi oleh Regim Zionis melalui serangan
tanpa henti di Gaza dan Tebing Barat.

Kita mungkin tidak mampu mengangkat senjata, tetapi kita masih
mempunyai kekuatan daripada aspek kewangan. Infakkanlah sebahagian
rezeki untuk membantu mereka yang ketika ini berada dalam keadaan yang



amat menyedihkan serta menjalani kehidupan yang sukar. Selain itu, gunakanlah senjata paling ampuh yakni DOA. Semoga Allah **سُبْحَانَهُ وَتَعَالَى** menganugerahkan kejayaan, keselamatan dan kesejahteraan buat seluruh umat Islam serta rakyat Palestin khususnya. Semoga bumi Palestin kembali aman dan makmur di bawah rahmat Allah **سُبْحَانَهُ وَتَعَالَى**.

اللَّهُمَّ أَعِزَّ الْإِسْلَامَ وَالْمُسْلِمِينَ، اللَّهُمَّ أَذِلَّ الشُّرَكَ وَالْمُشْرِكِينَ، اللَّهُمَّ انصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ مَكَانٍ وَفِي كُلِّ زَمَانٍ.

Ya Allah! Muliakan Islam dan orang Islam. Ya Allah! Hinakan Syirik dan musyrikin. Ya Allah! Berilah pertolongan kepada saudara-saudara kami yang muslim, para mujahidin dan golongan-golongan yang lemah di Palestine dan juga di semua tempat dan setiap ketika.”

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ
مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ
الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٢٠١﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ
يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٢٠٢﴾